

წყალტუბოს მუნიციპალიტეტის საკრებულოს გენდერული თანასწორობის
საბჭოს სხდომის

ოქმი №4

ქ.წყალტუბო

21 იანვარი 2022წელი

2022 წლის 1 დეკემბერს 12 საათზე წყალტუბოს მუნიციპალიტეტის „გენდერულმა თანასწორობის საბჭომ“ ჩაატარა მეოთხე სხდომა.

სხდომას თავმჯდომარეობდა – თეიმურაზ ჭეიშვილი საკრებულოს თავმჯდომარე, გენდერული თანასწორობის საბჭოს თავმჯდომარე, რომელიც არჩეულია საბჭოს დებულების მიხედვით (2017 წლის განკარგულება № 36 154)

სხდომას ესწრებოდნენ: საბჭოს მდივანი – მზია კიკალიშვილი, საბჭოს წევრები: კობა გურეშიძე, ლევან ჩანქაულიანი, არჩილ ღიბრაძე, მავა ჭელიძე, შალვა კილაძე, გიორგი ფაჩუაშვილი, ლელა ბერძენიშვილი, ირინა ჩავეტაძე, ირინა ცაავა, ნინო ჭეიშვილი, მაია ბერაძე, ირმა ხელაძე, ფატი გაგოშიძე, ლია გუგუსიანი, იასონ გაბუნია, ლეილა აშორდია, გურანდა გვანცელაძე, ფაქიზო ფანჩულიძე-კუჭავა, ლორეტა გაგილაძე.

მოწვეული სტუმრები: ნინო წილოსანი-სოფელ ბანოჯის საჯარო სკოლის დირექტორი, ლალი გრიგოლავა არასამთავრობო ორგანიზაცია „წყალტუბოს გენდერულ ქალთა კავშირის“ ხელმძღვანელი, მანანა ჩავეტაძე არასამთავრობო ორგანიზაცია, ირაკლი კუჭავა - წყალტუბოს მუნიციპალიტეტის „სპორტული კლუბების გაერთიანების“ მმართველი, დავით ფაჩუაშვილი- „სპორტული კლუბების გაერთიანება“, ქეთევან კირტავა-საორგანიზაციო, საქმისწარმოებისა და ადამიანური რესურსების მართვის განყოფილების უფროსი(მ/შ), სნეუანა ჯოლოხავა-მოწვეული სპეციალისტი იურიდიულ განყოფილებასა და იურიდიულ კომისიაში, ნონა კობერიძე საქმისწარმოებისა და ადამიანური რესურსების მართვის განყოფილების უფროსი სპეციალისტი, ხათუნა კვაბზირიძე-საინფორმაციო, ანალიტიკური და საზოგადოებასთან ურთიერთობის განყოფილების უფროსი სპეციალისტი.

სულ 21, აქედან ქალი – 14, კაცი – 7

დასწრების ფურცელი თან ერთვის (დანართი 1.)

სხდომის თავმჯდომარემ თეიმურაზ ჭეიშვილმა საბჭოს წევრებს დასამტკიცებლად წარუდგინა დღის წესრიგი: (დანართი 2)

დღის წესრიგი

1. გოგონათა ფრენბურთის გუნდი "წყალტუბო"-სთვის გენდერული თანასწორობის საბჭო მიერ სიმბოლური საჩუქრის გაკეთება, კეძოდ: სპორტული ბრენდირებული ფორმების (მაისური, შორტი) შეძენა.

/თ.ჭეიშვილი/

2. 16 დღიანი კამპანია „არა ძალადობას“, წყალტუბოს მუნიციპალიტეტის სოფლის საჯარო სკოლებში დაგეგმილი საინფორმაციო ხასიათის შეხვედრები.

/თ.ჭეიშვილი/

3. წყალტუბოს მუნიციპალიტეტის - „გენდრული თანასწორობის საბჭოს“ 2022 წლის ანგარიში გაწეული მუშაობის შესახებ.

/გ.კიკალიშვილი/

4. საქართველოს პარლამენტის გენდერული თანასწორობის საბჭოს თემატური მოკვლევის ანგარიში - „ქალებისა და გოგოებისათვის ინფრასტრუქტურის (გზა, ტრანსპორტი, წყალი) ხელმისაწვდომობის შესახებ.

/ლ.ბერძენიშვილი/

5. წყალტუბოს მუნიციპალიტეტის საკრებულოსთან არსებული გენდერული თანასწორობის საბჭოს 2023 წლის სამოქმედო გეგმის შემუშავება.

/გ.კიკალიშვილი/

6. წყალტუბოს მუნიციპალიტეტში კვლევების ჩატარება დევნილთა დასაქმების მაჩვენებლის შესახებ.

/ლ.ბერძენიშვილი/

კენჭისწყრის შედეგები:

მომხრე - 21

წინააღმდეგი - 0

დღის წესრიგი დამტკიცდა წარმოდგენილი სახით.

გენდერული თანასწორობის საბჭოს თავმჯდომარემ, ბატონმა თეიმურაზ ჭეიშვილმა საბჭოს წევრებსა და მოწვეულ სტუმრებს ესაუბრა დღევანდელი დღის, 1 დეკემბრის შიდსთან ბრძოლის საერთაშორისო დღესთან დაკავშირებით, წყალტუბოს მუნიციპალიტეტი აქტიურად უერთდება დღევანდელი დღის აქციას. შიდსთან ბრძოლის საერთაშორისო სიმბოლოა „წითელი ბათთა“. ეს ემბლემა 1991 წლის აპრილში ამერიკელმა მხატვარმა ფრანკ მურმა „ასაკში გარდაიცვალა. განაცხადა ბატონმა თეიმურაზმა.“

1. მოისმინეს: სხდომის თავმჯდომარემ საბჭოს წევრებსა და მოწვეულ სტუმრებს გააცნო დღის წესრიგით გათვალისწინებული პირველი საკითხი: „ წყალტუბოს მუნიციპალიტეტს ჰყავს გოგონათა ფრენბურთელთა გუნდი, რომლებიც აქტიურად წარმოაჩენენ თავიანთ ქალაქს. სამწუხაროდ აღმოჩნდა ისე, რომ გუნდს არ ჰქონდათ შესაბამისი ფორმები. გვეკონდა გოგონებთან შეხვედრა და გასაუბრება, მივიღეთ გადაწყვეტილება საბჭოს სახელით გუნდს გაუკეთოთ სიმბოლური საჩუქარი, კერძოდ სპორტული ბრენდირებული ფორმების (მაისური, შორტი) შეძენა, რომელიც იქნება წყალტუბოს მუნიციპალიტეტის გერბის ფერებში. სავარაუდო ღირებულებად განისაზღვრა - 960 ლარი“.

მაისურის ფერი: თეთრი; შორტის ფერი: ლურჯი; წარწერა მაისურის წინა მხარეს: "წყალტუბო"; მაისურის მარჯვენა ან მარცხენა მკლავზე უნდა ჰქონდეს წყალტუბოს ემბლემა; ზომა: XL; დიზაინზე მუშაობს მიმწოდებელი და ათანხმებს მას საბოლოო სახით შემსყიდველთან 2 – 80 – 160ლარი

მაისურის ფერი: მწვანე; შორტის ფერი: ლურჯი; წარწერა მაისურის უკანა მხარეს(ზურგზე): რიგითი ნომერი; წარწერა მაისურის წინა მხარეს: "წყალტუბო", რიგითი ნომერი; მაისურის მარჯვენა ან მარცხენა მკლავზე უნდა ჰქონდეს წყალტუბოს ემბლემა; ზომა: XL; დიზაინზე მუშაობს მიმწოდებელი და ათანხმებს მას საბოლოო სახით შემსყიდველთან 10 – 80 – 800ლარი.

აზრი გამოთქვა: მოიწონეს თავმჯდომარის მიერ დაყენებული საკითხი და სურვილი გამოთქვეს მომავლისთვის უფრო აქტიურად მოხდეს, დახმარების გაწევა სხვადასხვა კუთხით.

2. მოისმინეს: 16 დღიანი კამპანია „არა ძალადობას“ დაგეგმილია მუნიციპალიტეტის საჯარო სკოლებში საინფორმაციო ხასიათის შეხვედრები, რომელიც დასრულდება 10 დეკემბერს „ადამიანის უფლებათა დაცვის საერთაშორიშო დღეს“. საბჭოს წევრებმა რამოდენიმე სკოლაში უკვე ჩაატარა საინფორმაციო ხასიათის შეხვედრა შპს არასახელმწიფო საერო საშუალო სკოლა „ოცნება“, სოფ. ფარცხანაყანევის №1 და მაღლაკის №1 საჯარო სკოლები. (VIII – IX – X – XI კლასი). (დანართი 3) გვინდა საკრებულოში მოვიწვიოთ მოსწავლეები, მასწავლებლები და შემაჯამებელი ხასიათი მივცეთ შეხვედრების დასრულებას - განაცხადა საბჭოს თავმჯდომარემ.

აზრი გამოთქვა: საბჭოს წევრმა ფაქიზო ფანჩულიძემ მოიწონა სკოლებში დაგეგმილი შეხვედრები და განაცხადა, რომ ეს ყველაფერი ბავშვებს უფრო მოტივირებულს გახდის და საზოგადოებასთან ურთიერთობის ჩამოყალიბებაში დაეხმარება. 2022-2023წ.წ. გამოცხადებული მაქვს „გენდერული თანასწორობის“ წლად. სურვილი მაქვს ჩავატაროთ ტრენინგ-სემინარები, საინფორმაციო ხასიათის შეხვედრები - სკოლაში: მოსწავლეებთან, მშობლებთან და მასწავლებლებთან.

3. მოისმინეს: წყალტუბოს მუნიციპალიტეტის გენდერული თანასწორობის საბჭოს მდივანმა მზია კიკალიშვილმა დამსწრე საზოგადოებას გააცნო წყალტუბოს მუნიციპალიტეტის საკრებულოსთან არსებული „გენდერული თანასწორობის საბჭოს“

2022 წლის ანგარიში გაწეული მუშაობის შესახებ, რომელიც წარმატებით იქნა შეფასებული და მოსასმენად წარედგინება წყალტუბოს მუნიციპალიტეტის საკრებულოს. (დანართი 4) ა ზ რ ი გ ა მ ო თ ქ ვ ე ს: საბჭოს წევრმა ფაქტოზო ფანჩულიძე - კუჭავამ აქტიურ და წარმატებულ პიროვნებად დაახასიათა „გენდერული თანასწორობის საბჭოს“ მდივანი მზია კიკალიშვილი. სურვილი გამოთქვა საბჭოს წევრების გააქტიურების შესახებ. საბჭოს წევრმა კობა გურეშიძემ გენდერულ ბალანსზე გაამახვილა ყურადღება. სოფლის მეურნეობის კუთხით ქალების ჩართულობაზე და მათ ეკონომიკურ გაძლიერებაზე. „კარგი იქნება შეიქმნას ჯგუფი დამწყებ ფერმერ ქალბატონებისათვის ინფორმაციის მიწოდების შესახებ, არსებობს სხვადასხვა გრანტები და პროექტები სოფლის მეურნეობის კუთხით“ - განაცხადა ბატონმა კობამ. საბჭოს წევრმა მავა ჭელიძემ დაბალ პროცენტიან სესხებზე ისაუბრა, რომელიც ქალებისათვის არის განკუთვნილი. „მუნიციპალიტეტი ეხმარება მოსახლეობას ინფორმაციის მიწოდებასთან დაკავშირებით გრანტების თაობაზე, ადგილზე ხდება მთავრობის მიერ შექმნილ ჯგუფებთან სხვადასხვა ტიპის შეხვედრები“ - განაცხადა საბჭოს თავმჯდომარემ. საბჭოს წევრმა გურანდა გვანცელაძემ შემოგვთავაზა თავისი იდეა - „შესაძლებელია ჩვენი სურვილით ადგილზე მოვიწვიოთ პროფესიონალი ადამიანები და აქ ჩატარდეს ტრენინგ-სემინარები არსებულ საკითხებთან დაკავშირებით“. საბჭოს წევრმა ლევან ჩანქსელიანმა მადლობა გადაუხადა „გენდერული თანასწორობის საბჭოს“ აქტიური მუშაობისათვის და უსურვა მომავალში გაძლიერება და წარმატებული საქმიანობა.

4. მ ო ი ს მ ო ნ ე ს: საბჭოს წევრმა ლელა ბერძენიშვილმა მიაწოდა ინფორმაცია საქართველოს პარლამენტის გენდერული თანასწორობის საბჭოს თემატური მოკვლევის ანგარიშის - „ქალებისა და გოგოებისათვის ინფრასტრუქტურის (გზა, ტრანსპორტი, წყალი) ხელმისაწვდომობის შესახებ“. (დანართი 5) ქალბატონმა ლელამ სბჭოს წევრებს გაცნო თავისი მოსაზრება კვლევასთან დაკავშირებით: 1. მუნიციპალიტეტის მერიის ინფრასტრუქტურის საკითხებზე პასუხისმგებელი სტრუქტურული ერთეულის თანამშრომლებისა და საკრებულოს ინფრასტრუქტურის კომისიის წევრებისათვის ტრენინგის ჩატარება გენდერულ თანასწორობასთან დაკავშირებით. 2. საჯარო განხილვის ჩატარებასთან დაკავშირებით ინფორმაციის განთავსება ბაზრის შესასვლელთან, ადრეული და სკოლამდელი აღზრდის დაწესებულებებთან. 3. ტრენინგი სექსუალურ შევიწროებაზე. 4. ტრენინგი „მოწმის ინტერვეციის“ თაობაზე, რომ ამაღლდეს ცოდნა უსაფრთხოდ ჩართვის შესახებ. 5. ICT სფეროში გოგოების მონაწილეობის წასახალისებლად ცნობიერების ამაღლების ღონისძიებების განხორციელება ზოგად საგანმანათლებლო დაწესებულებებში.

ა ზ რ ი გ ა მ ო თ ქ ვ ე ს: საბჭოს მდივანმა მზია კიკალიშვილმა მოიწონა ქალბატონი ლელას მოსაზრება კვლევასთან დაკავშირებით, ყოველივე გათვალისწინებული იქნება წყალტუბოს მუნიციპალიტეტში გენდერული თანასწორობის პოლიტიკის განხორციელების ღონისძიებათა 2023 წლის სამოქმედო გეგმის პროექტის მომზადების პერიოდში.

5. მ ო ი ს მ ო ნ ე ს: საბჭოს მდივნის მზია კიკალიშვილის მომზადებული საკითხი წყალტუბოს მუნიციპალიტეტში „გენდერული თანასწორობის პოლიტიკის

განხორციელების ღონისძიებათა 2023 წლის სამოქმედო გეგმის“ პროექტის
მომზადებისთან დაკავშირებით.

ა ზ რ ი გ ა მ ო თ ქ ვ ე ს: 2023 წლის სამოქმედო გეგმის პროექტის მომზადებასთან
სიახლეებსა და სამომავლოდ ცვლილებების შეტანასთან დაკავშირებით საბჭოს წევრმა
გურანდა გვანცელამემ, ისაუბრა 1325 რეზოლუციის სამოქმედო გეგმის ადგილობრივ
დონეზე რეალიზების პერსპექტივების შესახებ, რომელიც ინტეგრირებული იქნება 2023
წლის სამოქმედო გეგმაში. „წყალტუბოს მუნიციპალიტეტში 2019 წლიდან ფუნქციონირებს
რეზოლუცია 1325 საკითხებზე მომუშავე ჯგუფი, რომელიც შედგება 7 წევრისაგან.
წყალტუბოს მუნიციპალიტეტი კვლავ განაახლებას მუშაობას რეზოლუცია 1325 შესახებ“ -
განაცხადა საბჭოს მდივანმა. გენდერული თანასწორობის საბჭო ახორციელებს სამოქმედო
გეგმით გათვალისწინებულ საინფორმაციო შეხვედრებს სხვადასხვა მოწყვლად
ჯგუფებთან: პედაგოგებთან, მედპერსონალთან, იძულებით გადაადგილებულ პირებთან,
ახალგაზრდული საკრებულოს წევრებთან და სხვა, სადაც საუბარი გვაქვს იმ სიახლეებთან
დაკავშირებით, რომელსაც ჩვენი სახელმწიფო ახორციელებს გენდერული კუთხით.
ბატონმა თემურაზ ჭეშვილმა განაცხადა - გეგმაში ცვლილებებისა და ახალი
ინიციატივის შესახებ მიემართათ წერილობით, რაც იქნება გათვალისწინებული
სამომავლოდ.

6. მ ო ი ს მ ო ნ ე ს: საბჭოს წევრის ლელა ბერძენიშვილის საკითხი წყალტუბოს
მუნიციპალიტეტში კვლევების ჩატარება დევნილთა დასაქმების მაჩვენებლის შესახებ.
„პირველი იქნება ჩვენი მუნიციპალიტეტი, ჯერ არსად არ ჩატარებულა ასეთი ტიპის
კვლევა“ - განაცხადა ლელა ბერძენიშვილმა.

ა ზ რ ი გ ა მ ო თ ქ ვ ე ს: საბჭოს წევრმა ლეილა აშორდიამ კვლევასთან დაკავშირებით
ინტერესი გამოთქვა, „ვუერთდები ქალბატონ ლელას მიერ დაყენებულ წინადადებას და
საინტერესოც იქნება ჩემთვის ამ კვლევაში მონაწილეობის მიღება“ - განაცხადა ქალბატონმა
ლეილამ. კვლევის ჩატარება მისაღები აღმოჩნდა ქალბატონი ლალი გრიგოლიასთვის
(არასამთავრობო ორგანიზაცია „წყალტუბოს გენდერულ ქალთა კავშირი“) და სურვილი
გამოთქვა გახდეს წყალტუბოს მუნიციპალიტეტის „გენდერული თანასწორობის საბჭოს“
წევრი. საბჭოს თავმჯდომარემ განაცხადა ამ ეტაპზე დარჩენილი თანხით სასურველი
იქნება საახალწლოდ დავეხმაროთ მარტოხელა დედებს, ხოლო რაც შეეხება კვლევას
მომავალი წლის დასაწყისში ჩავატაროთ, რომელიც გათვალისწინებული იქნება 2023 წლის
ბიუჯეტში. ქველმოქმედებაში მონაწილეობას შემოუერთდა საბჭოს წევრი ფაქიზო
ფანჩულიძე - კუჭავა, განაცხადა რომ 20 მარტოხელა დედას თავისი ორგანიზაციით
დაეხმარება.

მადლობა გადაგვიხადა სოფელ ბანოჯის საჯარო სკოლის დირექტორმა ნინო წილოსანმა -
„პირველად ვარ გენედეული თანასწორობის საბჭოს სხდომაზე და კმაყოფილი ვარ ჩვენი
მუნიციპალიტეტი აქტიურად რომ არის ჩართული ქალთა გაძლიერების საკითხებთან
დაკავშირებით. სკოლაში ჩავატარეთ კვლევა საჭიროებების მიხედვით, 25 ნოემბრიდან
ჩართული ვართ 16 დღიან კამპანიაში „არა ძალადობას“, სურვილი გვაქვს თქვენს
საბჭოსთან თანამშრომლობის“

საბჭოს თავმჯდომარემ თემურაზ ჭეშვილმა მადლობა გადაუხადა წევრებსა და
მოწყველ სტუმრებს აქტიური თანამშრომლობის, ჩართულობისა და თანადგომისათვის,

განაცხადა რომ მომავალ წელსაც ჩვეულ რიტმში გააგრძელებს მუშაობას წყალტუბოს მუნიციპალიტეტის „გენდერული თანასწორობის საბჭო“ და დაადგინეს:

1. საჯარო სკოლებში დაგეგმილი საინფორმაციო ხასიათის შეხვედრებთან დაკავშირებით - საჯარო სკოლის მოსწავლეები და მასწავლებლები მოწვეული იქნებიან მუნიციპალიტეტის საკრებულოში.
2. წყალტუბოს მუნიციპალიტეტის საკრებულოსთან არსებული „გენდერული თანასწორობის საბჭოს“ 2022 წლის სამუშაო გეგმის წარდგენა საკრებულოსთვის დასამტკიცებლად.
3. 2023 წლის სამოქმედო გეგმის მომზადებაში მონაწილეობას მიიღებენ საბჭოს წევრები, არასამთავრობო ორგანიზაციები და გათვალისწინებული იქნება მათ მიერ შემოთავაზებული წინადადებები.
4. გენდერული თანასწორობის ხელშეწყობა - პროგრამული კოდი 06 02 09 - დარჩენილი თანხით სასურველი იქნება საახალწლოდ დახმარება გაეწიოთ მუნიციპალიტეტში მცხოვრებ მარტოხელა დედებს, კვლევა კი მომავალი წლის დასაწყისში ჩატარდება, რომელიც გათვალისწინებული იქნება 2023 წლის ბიუჯეტში.

ოქმის დანართები:

1. დასწრების ფურცელი
2. დღის წესრიგი
3. სკოლებში შეხვედრების განრიგი
4. „გენდერული თანასწორობის საბჭოს“ 2022 წლის ანგარიში
5. საქართველოს პარლამენტის გენდერული თანასწორობის საბჭოს თემატური მოკვლევის ანგარიში - „ქალებისა და გოგოებისათვის ინფრასტრუქტურის (გზა, ტრანსპორტი, წყალი) ხელმისაწვდომობის შესახებ.

საბჭოს მდივანი :

/ მზია კიკალიშვილი /